

# TKBS terima sumbangan derma warga Kementerian Pertahanan dan ABDB



MENTERI Pertahanan Kedua, Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd. Yussof (dua, kiri) antara yang hadir pada sesi bulanan Ceramah Kuliah Subuh bertempat di Surau Ad-Difa', Bolkiah Garrison.



PEMERINTAH Angkatan Bersenjata Diraja Brunei, Mejar Jeneral Pengiran Dato Paduka Seri Aminan bin Pengiran Haji Mahmud (kiri) menyerahkan sumbangan Tabung Kemanusiaan Bencana Sulawesi yang diterima oleh Menteri Kebudayaan, Belia dan Sukan, Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin (kanan).

Berita dan Foto : Haji Ariffin Mohd. Noor / Morshidi

**BERAKAS**, Jumaat, 4 Januari. – Warga Kementerian Pertahanan dan Angkatan Bersenjata Diraja Brunei (ABDB) hari ini menghulurkan sumbangan BND14,920 kepada Tabung Kemanusiaan Bencana Sulawesi (TKBS).

Sumbangan derma tersebut telah diserahkan oleh Pemerintah ABDB, Mejar Jeneral Pengiran Dato Paduka Seri Aminan bin Pengiran Haji Mahmud kepada Menteri Kebudayaan, Belia dan Sukan, Yang Berhormat Mejar

Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin pada sesi bulanan Ceramah Kuliah Subuh bertempat di Surau Ad-Difa', Bolkiah Garrison, di sini.

Penyerahan kutipan tabung ini adalah kali ketiga dari Kementerian Pertahanan dan ABDB, yang mana dua sumbangan terdahulu masing-masing telah diadakan bersempena dengan Acara Riadah Ekspedisi Berbasikal Angkatan Bersenjata

Diraja Brunei pada 25 Nove Kejohanan Golf Seri Dewa pada 2 Disember 2018 yang lalu.

Kuliah Subuh pada kali ini telah disampaikan oleh Pegawai Perkembangan Agama, Awang Haji Muskrisman Safari bin Haji Mustafa dari Pusat Da'wah Islamiyyah, Kementerian Hal Ehwal Ugama.

Hadir pada majlis tersebut ialah Menteri Pertahanan Kedua, Yang Berhormat Pehin Datu Lailaraja Mejar Jeneral (B) Dato Paduka Seri Haji Awang Halbi bin Haji Mohd. Yussof; Pemerintah ABDB, Mejar Jeneral Pengiran Dato Paduka Seri Aminan bin Pengiran Haji Mahmud; Setiausaha-

setiausaha Tetap Pertahanan, Timbalan Setiausaha-setiausaha Tetap, pegawai-pegawai kanan, serta pegawai-pegawai dan anggota-anggota Kementerian Pertahanan dan ABDB.

Majlis tersebut juga turut dihadiri oleh tetamu-tetamu khas dari Kementerian Kebudayaan, Belia dan Sukan (KKBS) yang diketuai oleh Menteri Kebudayaan, Belia dan Sukan.

Majlis bulanan tersebut telah dimulakan dengan Sembahyang Fardu Subuh Berjemaah yang diimamkan oleh imam surau berkenaan, Awang Shuib bin Abdullah dan diikuti dengan Kuliah Subuh dengan ceramah

bertajuk Al-Quran Syafaat Agung Dari Allah, yang mana penceramah menggariskan tentang nilai masa serta bermuhasabah diri tentang sebaik mana masa itu digunakan untuk beribadah.

Majlis juga diisi dengan dengan bacaan Surah Al-Kahfi beramai-ramai dipimpin oleh Awang Shuib bin Abdullah dan diakhiri dengan Sembahyang Sunat Dhuha.

Juga hadir ialah lebih daripada 600 orang terdiri dari para pegawai kanan dan anggota-anggota pelbagai peringkat di Kementerian Pertahanan dan ABDB serta para pegawai dari KKBS.

## Menjunjung kasih atas pemedulian Kebawah DYMM

**BANDAR SERI BEGAWAN**, Jumaat, 4 Januari. - Pada menjunjung titah Kebawah Duli Yang Maha Mulia Paduka Seri Baginda Sultan Haji Hassanah Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddin Sa'adul Khairi Waddien, Sultan dan Yang Di-Pertuan Negara Brunei Darussalam yang ingin melihat belia di negara ini terlibat secara langsung dalam sama-sama memainkan peranan ke arah menjana pertumbuhan ekonomi negara, seramai 16 orang graduan yang telah berjaya menamatkan pengajian mereka di dalam dan di luar negara akan mengendalikan sebuah restoran di Ruang Pelepasan Lapangan Terbang Antarabangsa Brunei.

Restoran yang diberi nama Restoran Tarindak Ungkayah Graduan ini merupakan satu-satunya restoran di negara ini yang akan diusahakan sendiri dan sepenuhnya oleh para lepasan graduan.

Atas keprihatinan dan pemedulian Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam yang berterusan terhadap hal ehwal kebijakan para belia di negara ini, baginda telah berkenan memperuntukkan sebuah outlet Tarindak sebagai tempat anggota Restoran Tarindak Ungkayah Graduan berusaha dan mencari rezeki selaras dengan hasrat baginda bagi melihat para belia di negara ini sebagai agen perubahan dan pengusaha yang berjaya serta tidak bergantung sepenuhnya kepada pihak kerajaan.

Para graduan yang terlibat terdiri daripada Dayang Nur Sahkina binti Rosli dari Universiti Islam Sultan Sharif Ali (UNISSA); Dayang Nurul Majidah binti Zakaria dari Birmingham University; Dayang Asmaliani binti Ahmad dari Universiti Brunei Darussalam (UBD); Dayang Nur Amalina Farhana binti Mohd. Hamri dari Universiti Teknologi Brunei (UTB); Dayang Nurul Azyani binti Rudy Sahardey dari UBD; Awangku. Akmalakbar bin Pengiran Haji Badaruddin dari Asia Pacific University of Technology and Innovation, Malaysia; Awang Md. Khairul Anwar bin Jaidi dari International Graduate Studies College; Awang Muhammad Helmi bin Haji Tamam dari UTB; Dayang Fatin Nor Afifah binti Haji Abdul Ghani dari UNISSA; Awang Mohamad Ashrafil bin Mohamad Ariffin dari UBD; Awang Muhammad Yasin bin Awang Yusof dari UTB; Dayang Hajah Fatimah binti Haji Abd. Razak Lim dari KDU University College, Malaysia; Dayang Nurhanisah binti Mohammad Shamsul dari Kemuda Institute; Dayang Siti Rahmah binti Mohamad Ali Hussin dari IBTE Sultan Saiful Rijal; Dayang Nur Azirah binti Asba dari IBTE Sultan Saiful Rijal dan Awang Mohammad Ardzierul bin Osman dari IBTE Sultan Saiful Rijal.

Di atas pemedulian berterusan baginda itu, para graduan tersebut telah menyembahkan menjunjung kasih setinggi-tingginya dan berjanji akan berusaha dengan gigih bagi memastikan usaha-usaha mereka



SERAMAI 16 graduan yang berjaya menamatkan pengajian dari dalam dan luar negara akan mengendalikan Restoran Tarindak Ungkayah Graduan di Ruang Pelepasan Lapangan Terbang Antarabangsa Brunei.

dalam mengunkayah Restoran Tarindak Ungkayah Graduan itu akan membuahkan hasil yang dihasratkan yang setentunya diharapkan akan dapat menyuntik semangat mereka untuk terus maju menjadi role model kepada graduan-graduan lain untuk mencuba dan menerokai sesuatu yang baharu dan dari comfort zone mereka masing-masing.

Ke arah itu, Majlis Pembukaan Rasmi Restoran Tarindak

Ungkayah Graduan akan diadakan pada hari Ahad, 6 Januari 2019 bertempat di Ruang Pelepasan Lapangan Terbang Antarabangsa Brunei jam 10.00 pagi.

Bagi memberi sokongan dan dorongan kepada para graduan yang terlibat, majlis itu nanti akan dihadiri oleh Menteri-menteri Kabinet, Ahli-ahli Majlis Mesyuarat, Timbalan-timbalan Menteri, Orang-orang Berkedudukan Khas, Setiausaha-setiausaha Tetap dan

Timbalan-timbalan Setiausaha Tetap.

Adalah diharapkan Restoran Tarindak Ungkayah Graduan ini juga akan mendapat sambutan yang menggalakkan daripada orang ramai di negara ini bagi sama-sama membantu para graduan untuk menyahut dan menjunjung titah Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam.